

Sud Bosne i Hercegovine donio je rješenje u predmetu Srpko Pustivuk kojim se određuje jednomjesečni pritvor osumnjičenom za krivično djelo ratni zločin protiv civilnog stanovništva. Pritvor prema ovom rješenju može trajati do 13. augusta 2010. Sud je nakon razmatranja podnesenog dokaznog materijala, utvrdio kako postoji osnovana sumnja da je osumnjičeni počinio krivično djelo koje mu se stavlja na teret. Pritvor je određen budući da je utvrđeno postojanje bojazni od bjekstva osumnjičenog. Sud je odredio pritvor i zbog postojanja bojazni kako bi osumnjičeni, ukoliko bi se našao na slobodi, mogao ometati krivični postupak uticajem na svjedoke i sudionike. Pritvor je određen i zbog postojanja izvanrednih okolnosti, koje s obzirom na način izvršenja i posljedice izvršenog krivičnog djela ukazuju kako bi puštanje na slobodu osumnjičenog rezultiralo stvarnom prijetnjom narušavanja javnog reda, saopćeno je iz Suda BiH.

Izvor: www.ilijas.ba